

## Bethlehem auf österreichisch

nach Angelika Fürthauer

Jedes Jahr, wann`s Weihnacht wird  
und der Mensch a wenig sinniert  
denk ma uns, es is doch schod  
warum muaß sJesuskindl grad`  
geborn wird`n bei de Bethlehemer,  
statt dass bei uns auf d`Welt war kemma.


Zum Beispiel bei uns Österreicher.  
Da könnt`n sie sich olle schleicha  
da drunt im staubig`n Wüstensand  
geg`n unser herrlich`s Alpenland.

Red`n d`Leut a so an Blödsinn zámm,  
dass wir geg`n Ausländer was hab`n -  
beim Christkind kunnt`s uns neamd nachsagn.  
Des hätt ma sicher auf Händ`n trag`n.

Des hätt ma nobelst einquartiert.  
Da samma nämlich profiliert,  
gastfreundlich und vielgerühmt,  
des hat noch jeder g`sagt, der kimmt.

Drum trifft sich auch bei uns die Welt.  
Freilich toan ma des ois ums Geld,  
aber wär s`Christkind zu uns kumma,  
nit einen Euro hät ma gnumma.

Was moant`s? Wir hätt`ns goar nit kennt,  
dass da ganz was Himmlisch`s rennt?  
Geh! Sofort hätt ma des g`spannt.  
und wär`n jetzt selbst das Heilig Land.



Göttlich wär`n ma da angehaucht,  
da hätt ma d`EU nimma braucht...  
Dass ma den Titel heut net hab`n  
hängt hauptsächlich mit`n Josef zamm,  
denn der war halt kein Genie  
in der Weltgeographie.

Wenn der gwißt hätt, drentas Mittelmeer  
geht`s weiter, da wohn a nu wer.  
Hätt der je unser Landl g`seg`n  
koa stund mehr hätt er druntbleib`n mögn  
und hätt a d`Maria überredt,  
dass mit eahm da aufageht.

Drum trifft in Esel d`ganze Schuld.  
Der Lügen g`strafft hat sei Geduld.  
Der hat eah s`Bethlehem einbrockt.  
Bei jeder Kreuzung hat er bockt  
und z`ruckgeschnab`lt zum Zimmermann.  
Jetzt kannst da um an anderen schau'n.

Koan Meter steig i nimmer für,  
wanns weitergeh`n wollts, ohne mir.  
Bevor i über d`Alpen tschecha,  
soll`n mi da die Kaktus z`stecha.  
In Bethlehem wird`s Kind gebor`n,  
da ob`n hamma nix verlor`n.  
So war`s auch schon zu früheren Zeiten,  
dass oft Eseln was entscheiden.

Aber schen wär`s halt gwesen.

